

**Klubi i fëmijëve** është një aktivitet i përjavshëm ku profesori Amerikan i Korpusit të Paqes Marty Fees jep mësim nëpërmjet kuizeve, lojrave, muzikës, vizatimit dhe studimit. Gjatë këtij program fëmijët thellojnë njohuritë dhe përmirësojnë aftësitë e të shprehurit dhe të shkruarit në gjuhën angleze. Klubi i fëmijëve takohet një herë në javë për 1 orë e gjysmë, çdo të premte ora 16:30-18:00. Në këtë klub janë të mirëpritur të gjithë fëmijët mbi moshën 9 vjeç që kanë njohuri mbi gjuhën angleze.

**Mësimi i gjuhës angleze përmes gramatikës dhe fjalorit.** Qëllimi i këtij programi është që pjesëmarrësit të fokusohen në studimin e gramatikës të gjuhës angleze dhe në pasurimin e fjalorit dhe shprehjeve frazologjike. Janë të mirëpritur të gjithë lexuesit niveli i njohurive të gjuhës angleze është C1 dhe dëshirojnë ta përmirësojnë më tej. Ky klub organizohet një herë në javë çdo të mërkurë ora 6:30-7:30 dhe mësohet nga profesori Amerikan Marty Fees me doktoraturë në mësimdhënie.

**Programi i të shkruarit në anglisht (shkrim akademik) për studime universitare.** Të gjithë studentët e vitit të dytë dhe të tretë që kanë si qëllim të ndjekin studimet universitare në vendet anglishtfolëse janë të mirëpritur në këtë program. Kjo klasë organizohet një herë në javë për 5 javë rrjesht fillon në datën 27 janar. Thelbi do të jete të shkruari takademik. Edhe ky program do të udhëhiqet nga profesori Amerikan Marty Fees.

Cdo të enjte në orën 17:00 lexuesit e Këndit Amerikan mund të shijojnë **“Orët e filmit”**. Filmat janë nga më të njohurit e kinemasë hollivudiane dhe kinematografisë amerikane. Këta filma janë pjesë e koleksionit të DVD-ve që ndodhen në Këndin amerikan.

**Ora e lojës** organizohet çdo të shtunë në orën 11:00- 12:00. Të gjitha lojrat organizohen në gjuhën angleze dhe fëmijët argëtohen duke mësuar anglisht nëpërmjet lojrave të njohura në Amerikë: Jumbalaja, Monopoly, Scrabble dhe American Cities. Janë të mirëpritur të gjithë fëmijët mbi moshën 8 ose 9 vjeç. Edhe ky program udhëhiqet nga profesori Amerikan Marty Fees, vullnetar i korpusit të Paqes në Shqipëri.